



UPA/FM 2015/110

Tillie Martinussen

29. april 2015

**Naalakkersuisut ikiaroorntunik Kalaallit Nunaannut eqqussuineramik akiuiniarnerup nakussassarneqarsinnaanera pillugu kingusinnerpaamik UKA2016-imi nassuiaammik saqqummiussinissaannik pisussaaffilerneqarnissaannik Inatsisartuni aalajangiiffigisassatut siunnersuut. Tassani allaaserineqassaaq ikiaroorntunik eqqussuineramik akiuineq qanoq nakussassarneqarsinnaanersoq, tassani ilanngullugu tamanna pillugu qallunaat naalakkersuisuunik isumaqatiginninniarnaq. Nassuiaammi aallaaserineqassaaq suliniutit qanorpiaq ittut atorlugit Kalaallit Nunaannut avataaniit tikittunik, pisattanik nassiussanillu nakkutilliineq pitsaa-nerulersinneqarsinnaanersoq, tamatumalu aningaasaqarnermut inuiaqatigiinnullu sunniutai suussanersut.**

(Inatsisartunut ilaasortaq Agathe Fontain, Inuit Ataqatigiit)

(Siullermeenera)

Demokraatini isumaqarpugut inuiaqatigiittut ikiaroorntumik hashimik nioqquteqarneq ilungersunarluinnartutut isigisariaqaripput. Aallarniutigalugu naqissuserlara, isumaqaratta ikiaroorntumik hashimik allanillu aanngajaarniutinik anngiortumik nioqquteqarnermi pineqaatissiissutgineqartartut appasippallaartut.

Taamatulli oqareerlunga Naalakkersuisut isumaqatigigaakka oqarmata ajornartorsiummik akiuiniarnermi ikiaroorntup haship piumaneqarnerujussua apeqqutaataalluinnartoq, taamaattumillu aanngajaarniutinut nunatssini ajornartorsiuteqarnermi pinaveersaartitsinerit ilaatinneqartariaqartut kiisalu politiit sulineranni oqilisaassinissamut periarfissat misissorneqartariaqartut, taakku nunami maani ataqqineqarnerat amingarsinnaasarmat soorlu aamma innuttaasut eqqortumut isumaqarnerat innarlerneqartartoq, ikiaroorntumik hashimik nioqquteqartartut allallu akisoorsuarnik angisuunik biilillit illullillu takungaangamikkitt nalunagu akissarsiatik sulisartutut akissarsiatik atorlugit tamakkuninnga pisisinnaanaviangitsut.



Politiit sulilluarput aamma pisussaaffitik sinnerlugit immikkoortumi pineqartumi, tamannalu pillugu nersorusuppagut Demokraatiniit. Sulinerminni imaannaanngitsunik atugaqarput, atorfeqarlutillu ulorianartumik ajornartorsiuterpassuit suliarisariaqartaramikkit tassanilu nuannaarutigaarput Politiit pillugit Naalagaaffeqatigiinni suleqatigiilluaratta. Kissaatigaarput politiit nukittorsarneqassasut, inuit amerlassusaatigut aamma immikkut suliaqartarnerminni - soorlu misiliutigalugu suliniummi ateqartumi " angerlarsimaffimmi nipiliornermiit oqaloqatigiinnermut", immikkut akileraaruserinerni aamma atortutigut, neriuppugut iluatsitsisinnaajumaarluta Naalagaaffeqatigiinni sinaakutissatta iluanni.

Taamaattumik aamma nuannaarutigaarput Naalakkersuisut iliuusissanut pilersaarusiormata, ukiuni kingullerni ikiaroorntumik hashimik atornerluilersimanerup pinaveersaartinnissaanut.

Akileraartarnermut Aqutsisoqarfik 2014-mi aningaasaliiffigineqaaqqippoq Kalaallit Nunaanni nioqqutissat eqqussukat annissukkallu nakkutiginerulernissaannut ilaatigut atornerqarput Kangerlussuarmi allaffittaarnermut, tassani Akileraartarnermut Aqutsisoqarfik aalajangersimasumik sulisoqalerpoq, taamaattumik takusinnaavarput siunnersuutigineqartut ilaat akuerineqareersimasut. Sukumiisumik aallartunik akitsuuserisut nakkutilliilernerisigut kiisalu pinerlussimanernik paasineqartunik politiit misissuisarnerisa pinaveersaartitsinermut sulianut ikorfartuutaasariaqarput. Nunamut tikittunik nakkutilliineq eqqarsaatigalugu immaqqa akileraartarnermut pisortaqarfiup pingaarnertutissinnaassavaa mittarfinni nunanit allaniit tikinneqartartuni akitsuuserisoqarnissaa ikiaroorntumut naamasinnaasunik qimmilinnik, kisianni oqallinneq taanna nangikkumaarparput Naalakkersuisut nassuiaataat takusimalerutsigu.

Taamaattumik nuannaarpugut siunnersuutip akuerineqarnissaa inassutigisinnaagatsigu.